



**Broj: 01-13/21**  
**Vareš, 14.01. 2021. godine**

Na osnovu člana 35. Zakona o budžetima/proračunima u Federaciji Bosne i Hercegovine („Službene novine Federacije Bosne i Hercegovine“, broj:102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) i člana 22. stav 3. Statuta Općine Vareš – prečišćeni tekst, broj:01-162/12 od 11.09.2012.godine, Općinsko vijeće Vareš na Konstituirajućoj 1. sjednici održanoj 14.01. 2021.godine, d o n o s i

**O D L U K U**  
**o privremenom financiranju potreba Općine Vareš**  
**za period od 01.januara/siječnja do 31.marta/ožujka 2021. godine**

**Član 1.**

Ovom Odlukom odobrava se privremeno financiranje potreba Općine Vareš za period 01.01.-31.03.2021. godine.

**Član 2.**

Privremeno financiranje Općine Vareš za period iz člana 1. ove Odluke obavlja se srazmjerno sredstvima utrošenim u istom periodu 2020. godine, a najviše do visine jedne četvrtine raspoređenih prihoda Budžeta/Proračuna Općine Vareš za 2020. godinu za tekuće rashode u cilju obavljanja funkcija budžetskih/proračunskih korisnika Općine Vareš.

**Član 3.**

Planirani i započeti kapitalni projekti Budžeta/Proračuna Općine Vareš za 2020. godinu, čija realizacija nije okončana, mogu se nastaviti realizirati u 2021. godini, do iznosa odobrenog Budžetom/Proračunom prethodne godine.

**Član 4.**

U skladu sa članom 3. ne mogu se započeti novi ili proširiti postojeći kapitalni projekti i aktivnosti do usvajanja Budžeta/Proračuna Općine Vareš za 2021. godinu.

**Član 5.**

Ostvareni prihodi i primici te realizovani rashodi i izdaci ostvareni u periodu privremenog financiranja uključuju se u Budžet/Proračun Općine Vareš za 2021. godinu.

## **Član 6.**

Ova Odluka prestaje da važi danom stupanja na snagu Odluke o izvršenju Budžeta/Proračuna Općine Vareš za 2021. godinu a najkasnije 31.marta/ožujka 2021. godine.

## **Član 7.**

Ova Odluka stupa na snagu danom donošenja a primjenjivat će se od 01.01.2021. godine i bit će objavljena na oglasnoj tabli i web stranici Općine Vareš, .

**PREDSJEDAVAJUĆA  
OPĆINSKOG VIJEĆA**

**Mahira Brkić**

Ova Odluka objavljena je na oglasnoj tabli Općine Vareš, dana 15.01. 2021. godine.

**OPĆINSKI NAČELNIK**

**Zdravko Marošević**

## **Obrazloženje odluke od privremenom financiranju**

Zakonska obaveza za donošenje Odluke o privremenom financiranju propisana je u članu 35. Zakona o proračunima/budžetima u Federaciji Bosne i Hercegovine ( „Službene novine Federacije Bosne i Hercegovine“, broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) i člana 22. stav 3. Statuta Općine Vareš – prečišćeni tekst, broj:01-162/12 od 11.09.2012. godine.

Na osnovu člana 35. Zakona o budžetima/proračunima u Federaciji Bosne i Hercegovine, ako Vijeće ne donese budžet/proračun prije početka fiskalne godine, privremeno se, na osnovu Odluke o privremenom financiranju, nastavlja financiranje poslova, funkcija i programa korisnika budžeta/proračuna.

Privremeno financiranje, obavlja se najduže za prva tri mjeseca fiskalne godine. Odluku o privremenom financiranju donosi Vijeće. Privremeno financiranje, obavlja se srazmjerno sredstvima utrošenim u istom razdoblju, a najviše do tromjesečnog prosjeka za prethodnu fiskalnu godinu.

U periodu privremenog financiranja financiraju se isti programi, a korisnici ne smiju povećati broj uposlenih u odnosu na stanje na dan, 31.prosinac/decembar prethodne godine. Budžet/proračun se mora donijeti najkasnije do 31.ožujka/marta tekuće godine. Ukoliko se budžet/proračun ne donese do 31.ožujka/marta, nakon toga neće se izvršavati rashodi u bilo koju svrhu osim otplate duga sve dok se budžet/proračun ne donese.

Člana 22. stav 3. Statuta Općine Vareš – prečišćeni tekst navodi da Općinsko vijeće u okviru svoje nadležnosti usvaja Odluku o privremenom financiranju u skladu sa zakonom.

Za provedbu ove Odluke nije potrebno planirati financijska sredstva u općinskom proračunu/budžetu i predlaže se Općinskom vijeću da je usvoji u predloženom obliku.

**PREDLAGAČ  
OPĆINSKI NAČELNIK**

**Zdravko Marošević**